

# 《般若波羅蜜多心經講錄》

民·羅時憲述

甲一、明能觀智

觀自在菩薩行深般若波羅蜜多時，照見五蘊皆空，度一切苦厄。

甲二、明所觀境

乙一、依四句以辨空性

丙一、依色蘊以辨四句

舍利子，色不異空，空不異色；色即是空，空即是色。

丙二、類餘蘊皆有四句

受、想、行、識，亦復如是。

乙二、依六義以顯空相

丙一、依六義正顯空相  
(空性之相)

舍利子，是諸法空相：不生不滅，不垢不淨，不增不減。

丙二、依空相遣六門法

丁一、遣五蘊

是故空中無色，無受、想、行、識。

丁二、遣十二處

無眼、耳、鼻、舌、身、意；無色、聲、香、味、觸、法。

丁三、遣十八界

無眼界，乃至無意識界。

丁四、遣緣生

無無明，亦無無明盡；乃至無老死、亦無老死盡。

丁五、遣四諦

無苦、集、滅、道。

丁六、遣智斷

無智亦無得。

甲三、明所得果

乙一、正明得果

以無所得故，菩提薩埵，依般若波羅蜜多故，心無罣礙，無罣礙故，無有恐怖，遠離顛倒夢想，究竟涅槃。

乙二、引例證成

丙一、正明得果

三世諸佛，依般若波羅蜜多故，得阿耨多羅三藐三菩提。

丙一、舉用歎勝

丁一、長行廣釋

故知般若波羅蜜多，是大神咒，是大明咒，是無上咒，是無等等咒，能除一切苦，真實不虛。

丁二、舉頌結歎

故說般若波羅蜜多咒，即說咒曰：揭諦揭諦，波羅揭諦，波羅僧揭諦，菩提薩婆訶。